

49. ՏՎԸՐԱԾԵՆ ՏՂԱՆ

Իլա՛լ ա, չիլա՛լ մին թաքավեր: Ըտրան իլա՛լ ա մին մադար տղա, մին էլ մին մադար ախճիգյ:

Ժուկ ա անց կենըմ, ժամանակ ա անց կենըմ, էտ թաքավերեն տղան ետ ա տըեռնըմ ուրա՛ն մորը, թա. — Ա՛ մար, պա հես ա տաս-նոթ-քսան տրեկան տղա յըմ տըեռալ, հա՛լա՛ իմ հոր կայքը տեսալ չը՛մ, մին պլատեն պլենիքյը լոխ ինձ տո, քյնամ տեսնամ՝ հի՛նչ կա, հի՛նչ չիկա:

Մարն ասում ա. — Հի՛նչ կա վե՛ր, կա պլենիքյը, քյնա, քառասուն տո՛ռնը կա ուրո՛ւր հետա մին-մին պեց, տես քու հոր հիշքան կայք օնե:

Տղան յոր ա օնում պլենիքյը, մին-մին տոները պեց անում, ամմա լուխճան վերչին տռանը պլենին մարը տված չի ինում:

Տղան մնամ ա զըրմացած, թա. — Ըստեղ հի՛նչ կա, վեր պլենին տվալ չի իմար, հա՛լա՛ թ մին խալվաթ պեն կա՛:

Քյինամ ա մորը կոշտը, զըրմացած, թա. — Ա՛ մար, ասե տեսնամ, թա հինչո՛ւ հետե չըս վերչին տռանը պլենին տվա՛լ:

Մարը խըրըվխարավ ա կյամ. թա. — Վերթի ջան, քյըզանա հի՛նչ կյեղիմ, քու հա՛ր քյնալիս ասալ ա, են տանը պլենին վեչ մինին տաս վուչ, յըես էլ չըմ գյուղում, թա ընդեղ հի՛նչ կա:

Տղան պլենին յոր ա օնում, ուրխացած վազ տամ, քյընամ պենըմ: Նի յա մնում մաչ ղուր, հի՛նչ տըեսնըմ, ամա՛ն-ամա՛ն:

Մին հուրըփարի ըխճըկա նկար պատան տված տեսնալըն ըբաստ ուրանան քյնամ ա, օշը տանում, վեր ընդնում:

Շատ ա կենրմ, խրեգյ ա կենրմ, օշը կլիւրն ա կյամ, եր ա կենրմ նկարը պատան պուկըմ, պտատըմ, շուրոումը տինում, տուս կյամ, մորը ծեն տամ, թա. — Ա' մար, ճելլի պադրաստոթուն տես, հրամման տո ծիս թամքին, էքուծ քըշըրհանա քյըննական ըմ ըռնու կիւնավ էլ ինի ախճիգյը քթենամ, պիրիմ:

Մարն ասում ա. — Վերթի շան, վեր գլիդաս, թա էտ ըխճկանը դարդան հիշքան թաքավերոթունի լըն փշացալ, սկի քյըննալ լըս նըհախ տեղան: Քու հար էլ ա քյեցալ, մհենգյ հո'ր ա, հետնը թեփուտը ըրվում չի' Օղում ըս տու վէլ քու հոր մնան կորչի'ս: Զէ', բա'լա շան, քյինում մեր, լըես քյընդհետե մին լնվ ախճիգյ կօղիմ:

— Ա' մար, իմ ասածըս ասած ա, վեր մըեռնիմ էլ, բիդի քյիննամ, պիրիմ:

Մարը տեսնըմ ա, վեր տղան խոսկեն պենդ ա վեննը կացած, պադրաստոթուն ա տեսնում, պրծնում, հղե տինում:

էտ տղան շատ ա քյիննամ, խրեգյ ա քյիննամ, մին շենըմ մին պառավ կնդա տան ղոնաղ ա ընգնում:

Պառավը հրցնում ա, թա. — Բալա շան, իտի միննակ ըշտե'ղ ըս քյիննամ:

Տղան մին-մին դարդերը նաղլ ա անըմ:

Պառավն ասըմ ա. — Բա'լա, մին ծեռքը ծափ չի տալ, տու էլ մին չըլըմսըղ տղա:

Տղան ասըմ ա. — Նանի' շան, պա հի'նչ անիմ, լնվ, մին թա'հրը չիկա'ն:

Պառավը իստի մին ջողար ա տամ, ասըմ. — Բալա ջան, իմ տղաս վեր քյընդ նհետ ինի, անպալման կործերտ աչ կինի, հաճող կինի:

— Պա շտե'ղ ա տղատ, էտ լհն մին լնվ պեն ա, հնգյեր չօնիմ, թող ինձ նհետ կյա:

— Բա'լա ջան, պա շտե'ղ ա, վեր ասիմ կյա, ըստրանա մին քանի օր առաչ մեր շենին քյոխվան մին քյնսիբ մարթու փոնում ա, շըլլաղավը թակըմ, թա էս սըհաթես խարշըտ տոր: Տղաս ըսկանում ա քյուխվեն ըրարմունքը, ինքն էլ իտի փիս պեները սիրըմ չի, հնվսնլն շանըմ, եր ա կենըմ, քյնում ինքն էլ քյուխվեն փոնըմ, քու օղած մին լնվ տըմբըղըմ, ծեռքը նշանց տամ, հիշքան ասիս: Մսում ըմ, ա'լ բալա'մ, կործ չօնի'ս, էլա ինձ եշըմ չի: Վե'րթի ջան, ըստեղ ըն ասալ, թա. Վնվսնլն գյանք առ: Հնվսնլն չըրավ,

մհենգյ պրիստավը փոռնալ ա, ծակը կոխալ: Վերթի ջան, հալա ջահիլ ըս, ինձ թա՛ն անջուկ անիս, վնաս չըս անել: Հալալան գյանք ա, հալալան ըրա, տեսնանք ըզադըմ ըն տղես, միտակ էն կըկարե դարդիտ դարման անե:

— Նա՛նե ջան, տղետ ըղադելը իմ պարթկըս:

— Պա հո՛ւնց կըղադիս, բալա ջան, հոր ա՞, թա իտի մին պեն անի՛ս:

— Կանիմ, կանիմ, արխային կաց, նանե ջան, յըես էս երգչի-րին թաքավերեն տղան ըմ, հենց էս սհաթես յըես պրիստավեն հրամ-ման կտամ, պեց կը թողե ջան նըման:

Պառավը ուրիշընելան նհետ սկսից ըրտասուենք թափելը:

— Լաց մի նիլ, նա՛նե, կըղադիմ, ամմա ասե տեսնամ, թա տղատ հի՛նչ կործ օնե քյուխվեն նհետ, վեր թակալ ա:

— Բալա ջան, աթալարը ասալ ա. «էծը էծին հետե լա՛վ ա, քանց մին սուրու՛ վեխճարը»: Պա վեր տըվըրածեն տղան ուրան նման քյասիբ մարթին հրեյին հըսնե վուչ, հո՛ւ բիդի հըսնե: Ընտրա հարը տվարած ա իլալ, դորմի ընդրան, հալա ուրան գյանքըմ մար-թու փիսոթուն չըրա՛լ, լվութունա կըմա՛ն, ուրան տղեն էլ իտի յա տա՛ս տվալ, թա քյասիբներեն հրեյին միշտ կհըսնիս:

էս խոսկեն նհետ խեղճ պառավըն սկսըմ ա լաց ինիլը:

— Լաց մի ինիլ, նա՛նե, մարթիտ թողած խոսկերքը տղատ կը-դարալ ա, ափարիմ նա, յըես ընդրան էս սհաթըս կըքյինամ ըղադիմ, ճակատը պաշիմ:

Թաքավերեն տղան քյինամ ա պրիստավեն, քյուխվեն փըռնըմ, կպոտըմ, քցըմ ծակը, պոռավեն տղեն էլ ըզադըմ: Տվըրածեն տղան ընդնում ա ուրան ըզադող տղեն կնլավը, պըչպըչորըմ:

Կյամ ըն տոն: Թաքավերեն տղան դարդերը նաղլ ա անըմ:

էքյսը քըջըրհանա տվըրածեն տղան մըն էլ թաքավերեն տղան նստըմ ըն ծիլենը, հղե ինըմ:

Շատ ըն քյինամ, խրեգյ ըն քյինամ, ըռըչենն էրկու հղե յա կյամ, մինը կարճ կածան, ամմա ծմրկներեն մաչավը: էտ կծանըմը թուփ տեռած ըն ինըմ ըշխարքես մըրչեմենն: էն մին հղեն էլ ինում ա էրկան, լեն, տասը օրվա հղե: Ըստեղ տվըրածեն տղան օղում ա թաքավերեն տղեն քըռոնի, փորցելի հետե մին հարց տա:

Ասըմ ա. — Ախպե՛ր, ասե՛ տեսնամ, վե՛ր հղըցավ քյինանք, վեր էս կըծանավը քյինանք, մին օրըմը տեղ կհասնինքյ, ամմա էս հղեն սաղ միըչեմն ա: էն մին հղեն լեն ա, թամուզ, ամմա էրկան, տասը օրվա հղե յա:

Թաքավերեն տղան ասում ա. — Լեն հըղըցավը քյինանք:

— Խե՞, եք էս մոտե կծանավը մին օրըմը տեղ հըսնինք:

— Ձէ, ախպերըս, պա էն մըրչեմենն էլ ըն սունչ-կենթանի, նահանց էլ ա աստուծ ստեղծալ, վեր ապրին, վեր ինդի քյինանք ծիլանոցը վըններեն տակեն մըլլոնավեր մըրչեմենը կըստակեն, լավ ա էրկան հըղըցավը քյինանք:

Տվըրածեն տղան տեսնալավ, վեր դուզ ա ասում, վեր ընդրա խելըը թամամ ա, ծովըմ ըն լեն հղեն, հղե ընգնում:

Մին խիլլա քյեցած, բուրդան մին սա սըն սկանում. «Տվըրածեն տղա, արվըրածեն տղա»:

Չորս ունդյունին եշըմ ըն, պեն չի ըրվամ: Էտ վախտը մին թվավուր միրչեմենը տվըրածեն տղեն կուռնեն յրա վեննը կացած ա ինու՛մ, լուղու յա օնում, սկսում խոսելը:

Ասում ա. — Յըս մին թաքավեր միրչեմենը մ, եկալ ըմ ծըեզ մին լվթուն անիմ, վեր տուք մըեղ խնայալ ըք, ծիակոխ չըք ըրալ. թեաս մինը պուկեցիք, նեղ տեղ ընգած տեղը ծըեզ հարկավեր կկյա:

Տըվըրածեն տղան ասում ա. — Հալլաթ դուզ ըս ասում, պուք տամ, հարկավեր կըկյա: — Պուկում ա, պըրծընում, հղեն շարունակում:

Շատ ըն քյինամ, խրեզ ըն քյինամ, եշըմ ըն տեսնում մին մեծ դոչ, ժինջիլը սյուզերան կապած, ծառան կախ տված: Տվըրածեն տղան ծիք յա սամ, ժինջիլը կըտըրում, վխճարեն ըղաղըմ, վխճարըն ըստուծանա լուղու յա առնում, խոսում, ասում. — Վեր ինձ էս նեղ տեղան ըղաղալ ըք, մղերաս էրկունը պուք տըվեք, յեր կալեք, նեղ տեղ ընգած տեղը մաղը մաղեն կըքըսիք, յըս ծեր հրեյին հըսնըլական ըմ:

Էրկու մաղ ըն պուկըմ, վխճարը թողըմ ըտեղ, հղեն շարունակում: Շատ ըն քյինամ, խրեզ ըն քյինամ, տեսնում ըն մին պեցուր թումբու կըլխե էրկու մեծ ըրկաթե դըրբըզա, մին մեծ քյիլիզավ քըլլած:

Տվըրածեն տղան ասում ա. — Ա'խպեր, մին տու ըստեղ ծիենը պահե, քյինամ տեսնամ մին էն հի՞նչ դըրբըզա յա էն թումբումը:

Վերչը քյինամ ա տեսնում դուզ վեր դըրբըզա յա, ամամ վեչ մին պեն չի ըրվամ: Ծիք յա տամ, պուկըմ, մհենգ էլ թուլ անում, քցըմ քեռծեն տակը: Էնքան ծանդըր ա ինում, վեր տափան նհետ աշխարքըս տուրուր ա կյամ:

Մին քանի մնուտանը ետը էտ դըրբըզեն տական էնքան սադանեք ըն տու կյամ, վեր ընդեղեք լըսնըվում ա: Սադանեքը ուրխացած ընդնում ըն տվըրածեն տղեն վըններն տակը, սկսում

լուզ տալը: Լվոթունեն տեղը սաղանքը էրկու մաղ ըն տամ, ասում.
— Նեղ տեղ ընգած տեղը ուրուր կըքըսիք, մունք կըլական ընք
քյոմաք անիք:

Տվըրածեն տղան հրցընում ա, ասում. — Ծըեղ հո՛ւ վա քըցալ
էտ տո՛ւրման:

Ասում ըն. — Կափրիյի հրեշտակը:

Տվըրածեն տղան մազերը յոր ա օնում, կյամ ախպորը կոշտը,
նստում ըն ծիենը, հղե ընգնում:

Մին ծմակավ քըննալիս տեսնում ըն իրեք հղե, մին պառավ
մարթ հղըցումը նստած, շուրուխը պըրանին:

Տվըրածեն տղան ասում ա. — Պարյօր քընեղ հլիվեր, նստալ
ըս ըստեղ հի՛նչ անիս:

— Աստուծու պարին, պարավ եկեք, ըստի ըշտեղ ը՛ք քըննամ:

Ծիանցան վեր ըն կյամ, հլիվերեն քշտին նըստում, ուրանց
դարդերը նաղլ անում:

Հլիվեր էրգան անշուկ ա օնում, թառանչ քաշում, ասում. — Հե՛յ...
բալալա՛ր, տըծեր տեղեր ա, աննալ կյալի պեն չի տա՛: էտ ախճիգը
հեն ա մին քերծու պտկե շինած պլատում: Պալատըն էլ տո՛ւսի դուան
հասար քաշած, պլատան մին վերստ քաշ, ծորումը մին օբա կա,
օրեն մաշին մին տոն կա, վեր պենաս, նրանա հտը վըեղեն տակեն
մին պալատ ա ըրվըլական, քառասուն տունանե: էտ պլատումը օխտը
օշափ ա իննական, ամմեն մինը օխտը կլխանե: էտ ուշուփենն էտ
ծեր ասած ըխճըկանը ախպերքյն ըն: Տուք պիտի քյիննաք էս մաշի
հղըցավը: էտ հղեն թուշ տընական ա ընդեղ: Ուշուփենն ծըեղ
հարցեր ըն տըլական, վեր կարիք պաղասխանիք, ախճիգը ծերն
ա, վեր կարիք վուշ, ծեր օլումն ա:

Տղերքը շունրակալ ըն ինում, մաշի հղեն ընգնում:

Քյիննամ ըն քյիննամ, հսնում ըն հըլո՛ւվերեն ասած օրեն կոշտը:

Տվըրածեն տղան ախպորն ասում ա. — Ծիենը ըստեղ ըրըծ-
ցըրու, մին յըես պըցրանամ, նի մըննիմ էտ օբան, տեսնամ հի՛նչ
կա, հի՛նչ չիկա:— Տի էլ անում ըն:

Քյիննամ ա նի մըննում օբան, տեսնում օխտը օշափ նստած մին
ղզղանու կոխկե, մըես ըն իփում: էտ ղզղանը էնքան մեծ ա ինում,
վեր ըշխարհքումըս հիշքան կենթանի կա, ամմեն մինան տասը դանն
մաշին ա ինում:

Կուճուր ախպերը հտ ա տըեռնում, մեծ ախպորը ասում. — Ախ-
պեր, էս ղզղանըմը ամմեն կենթանուց կա, ամմա ինսան չիկա,

էս լհա ինքը-ինքը, ուրան վրեննավը եկալ ա, փոռինք, քցինք ղզղանը, իփինք:

էս խոսկը տվրածեն տղեն քլեփեն շատ ա նի կյամ: Կզնըված ասըմ ա. — Դիգվալ չի, թա հո՛ւ ղզղանը կընգնե: Դե վեր ծեր օժեն յրան էտքան դլուամիշ-գլորմամիշ ըլած ըք, եր կացեք, տեսնամ կըկարիք ծեր ղզղանը վեր տընիք տափեն:

Ուշուփեն եր ըն կենըմ ամեգլը մին տեղա փոռնըմ, թա վեր օնին, կարըմ չըն: Տվրածեն տղան մինակ յոր ա օնըմ, հունց տափեն կյամ, վեր աշխարքըս տոնրուր ա կյամ: Թաքավերեն տղան հենա ինըմ ննշալիս, վեր տափը տոնրուր ա կյամ, իրեսեն յրա վեր ա ընդնըմ, քեթը ըռնըմ ա:

Ուշուփեն մնամ ըն զրմացած, թա տրան հիշքան օժ օնե, վեր մինակ եր կալմվ տափեն տրմվ: Տվրածեն տղան տոնս ա կյամ, ծեն տամ ախպորը, վեր ծինը կապե տոնան, ինքը կյա օբան:

Նի յըն մընըմ օբան, մհենգլ տվրածեն տղան ուշուփեն ասըմ ա. — Մունք իստի-իստի պենու հետե յընք եկալ, եկալ ընք ծեր քուրը տանինք:

Ուշուփեն տըեսնըմ ըն, վեր տա զոռի ջանավար տղա յա՛, խուստանըմ ըն վեր տան, ամմա բեղմա ուրանց տված հրցերեն կարին ջողար տան:

Առաչի դոնումը ասըմ ըն. — Քառասուն փութ ցորեն, քառասուն փութ կորեկ ընք խառնըելու, վեր կարիք ճոկիք, ախճիգը ծերն ա:

Խառնըմ ըն, պրծընըմ, ասըմ. — Միչև ուրուգլու բիդի ճոկիք, թա չէ ծեր օլումըն ա:

Ուրանք քլինամ ըն վրերսի: Տվրածեն տղան տես ա մտածըմ, տեն ա մտածըմ, բուրդան մենն ա ընգնըմ սաղանեն մաղերը: Յոր ա օնըմ, մաղը մաղեն քսըմ, ըշխարքես սաղանեքը կյամ ըն, յրա տեռնըմ, ճոկըմ, մին մնուտըմը, մին էլ կորչըմ:

Ուշուփեն կյամ ըն, մնամ զրմացած:

Երկունշի հարցը էն ա ինըմ, վեր ասըմ ըն. — Մհենգլ էլ քառասուն փութ ցորեն, քառասուն փութ կորեկ, քառասուն էլ կյորե խառնինք, բիդի ճոկիք:

Տամ ըն ուրանց, էլհա ուրանք քլինամ վրերսի: Էտ դոնումն էլ տոնս ըն օնըմ մըրչեմներեն թեերը, թե-թեեն քսըմ, ըշխարքես մըրչեմին հվաքվըմ ըն ըտեղ, մին ըշկըճըպումը ճոկում ըն, ճոկ-ճոկ, պրծնըմ, ուրանք կորչըմ: Ուշափեն կյամ ըն, տըեսնըմ ճոկած, հաղըր:

Իրեքինշի հարցը տամ ըն, ասում. — Դե վեր իտի օժավ ըս, մեր կուճուր ախպորը նհետ բիդի դոշի տաս:

Սա վերչին հարցըն ա, վեր կըդարիս, եխնած ըս: Տվըրածեն տղան մտածում ա, հի՞նչ անե, ինքը հո՛ւնց կը կարե, մին կլխավ օխտը կըլխանե օշափեն եխնի:

Մենն ա ընգնում վըեխճարեն մազերը:

Ասում ա. — Յըես կարալ չըմ ծեր կուճուր ախպորը նհետ դոշի տամ, ամամա իմ կուճուր ախպերը կըկարե:

Մազը-մազեն ա քսում, էն վըեխճարը կյամ ա, սկսում ըն կըռ-վելը: Վըեխճարը քըմըկ-քամակ քյինամ ա, մհենգյ էլ վազ տալավ կյամ, հո՛ւնց պուզերավ թխում, ուշափեն օխտը կլիխը նի յա մննում փորը, մեռնում ա:

Եխնըված ուշուփենն ասում ըն.—Մեր քուրը հեն ա էն խութին պտկե պլատըմը, ընդեղան միչև ըստեղ գյըբավ կարմունջ բիդի շինիքյ էտ կրմունշավը պիրիքյ:

Ախպերքը մընում ըն մըտըծելիս, թա հի՞նչ անին, վեր գյըբավ կարմունջ շինին:

Վըեխճարըն ասում ա. — Յըես կը կարիմ:

Մազը մաղեն ա քսում, քսան վըեխճար ըն կյամ: Վըխճըրենն մըրթոտում ըն, մհենգյ էլ ամմեն վըխճարեն աչի քուղը յոր ըն օնում, թող անում քցում հորը, մնացածը տամ ուշուփեներեն, ուրանք կյամ, քոն ինում:

Շատ ըն քոն ինում, թա խրեգյ, եր ըն կենում, տըեսնում մին մեծ ղուզղուն ուրանց շոք ըրած: Հըրցընում ըն, թա. — Հինչո՛ւ հետե յըս մըեզ շոք անում:

Ասում ա. — Վեր տուք մեր սոված ղուզղուններեն սովա ըզա-դալ ըք, հինչ պահանջ օնիքյ, ինձ ըսեցեքյ, յըես մին ըշկըճըպումը կըկազարիմ:

Տվըրածեն տղան ասում ա. — Վեչ մին պեն հարկավեր չի, մինակ թա կարիքյ էն պլատան միչև ուշուփեներեն օբան մին գյըբե կարմունջ շինիքյ...

Ղուզղուններեն մեծը ասում ա. — Իմ աշկես յըրա, միչև էքյուծ քըշբհանա պադրաստ կըտեսնաս:

Ղուզղունը ղուզղուններեն թաքավերը ինիլավ հրամայում ա ըշխարհես ղուզղուններեն, վեր հըվաքվին, քյինան փլան թաքա-վերեն դիբենեն պիրին:

Քյինամ ըն պուրում, թաքավեր ղուզղունը կարմունջը շինում ա, պըրծընում, կյամ տվըրածեն տղեն կոշտը, ասում. — Վեր քյինամ,

էն ախճիգը քոն իլած աննական: Պոլան մին տախտակ կըպուկիս, կողլ կենաս: Նազիր-վաղիրը խորագին յըն պըրլական ըխճրկանը հետե: Տոն կըկլաս օտիս, ըմընքը թողիս եխտուտ, նորու նի մըննիս տեղրտ: Վեր ասե՝ հո՛ւ վեր վերե յրս, տոն եք, քունն ըմ, տոն չիկլաս: Հիշքան վեր ուրթումնը օտե, էլա տոն չի կլաս, ամմա վեր ախպորցը անավ ուրթում օտե, տոն կըկլաս:

Տվըրածեն տղան գլիրին կըմունշավը քյինամ ա, նի մնում ըխճրկանը տոնը, հունց ղուզղունն ասալ ա, ինգի էլ անըմ ա:

Մին էրկու հետ նազիր-վաղիրը խորագ ըն պոնում, տոն ա կլամ օտըմ, նի մըննըմ պոնն տակը: Առաչ ախճիգը կընըմըմ ա նազիր-վաղիրեն յըրա, թա խե՛ յըն խտի անըմ: Վերը կոխ ա ընդնըմ, վեր ստեղ մարթ կա, հիշքան ուրթում ա օտըմ, տոն չի կլամ, ամմա վեր ախպորցը ընըմավը ուրթում ա օտըմ, տոն ա կլամ: Ախճիգը ասըմ ա. — Վեր կրեցալ ըս կլաս ըստեղ, յըն քունն ըմ:

Տղան ասըմ ա. — Յըն եկալ ըմ քընգ տանիմ իմ ախպոր հետե:

Ճուխտեքան տոն ըն կլամ, գլիրին կըմունշավը քյինամ ուշուփնեբեն պալատը:

Ուշուփնեն ասըմ ըն. — Հալալ ինի ժընգ, մեր տված հըրցեբեն վեչ մին աշառ-րաշառ կըրեցալ չի կըղարե, տուք կըգարալ ըք: Մոնք քյինանք վըրս անինք, պիրինք, ուրխոթուն անինք:

Թաքավերեն տղան մնըմ ա ըխճրկանը քշտին: Օշափնեն նան տվըրածեն տղան քյինամ ըն վըրսե: Թաքավերեն տղան պլենիքը յոր ա օնըմ, տըռնեբը մին-մին պենըմ, քառասունինչի ութաղըմը եղըմ ա, տեսնըմ մին մեծ, օխտը կլխանե օշափ օինչիլավ կպոտած, քշտեն մին լազլան ճոն տրած, կարըմ չի խմե: Էտ օշափն էլ ա էտ ըխճրկանը հետե եկած իլալ, ամմա հըրցեբեն կրեցալ չի շողաբ տա, փըռնալ ըն, կպոտալ:

Օշափը թաքավերեն տղեն ասըմ ա. — Ա՛յ տղա, էտ ճոնը մուտուցրու մին թիքյա խմիմ, ծարավ մըռնըմ ըմ:

Ճոնը տնում ա ըռըչին, խմելըն ըբաստ օթը կլամ ա, հը՛ յա անըմ, օինչիլենն կտորըմ, տոն կլամ, ախճիգը յոր օնըմ, փախըմ, կորչըմ: Թաքավերեն տղան ուրան քյինամ ա, վեր ընգնըմ:

Վերսըտեղան կլամ ըն, տըեսնըմ տղեն օշը տարած, օշափն էլ, ախճիգըն էլ կան վուչ:

Տվըրածեն տղան ասըմ ա. — Տուք ըտեղ կացեք, յըն քյինամ, տըեսնամ հի՛նչ ըմ անըմ:

Նստում ա ծին, հղե ինում: Խիլլա քընում ա, տըեսնըմ մին

մարթ համ վար ա անըմ, համ էլ ճումները յոր օնըմ, օտում, համ էլ ասըմ. — Վա՛յ, վա՛յ, ամա՛ն սոված մեռե՛:

Տվըրածեն տղան ասըմ ա. — Ըստի-ստի օշափի ը՛ս տեսալ: Ասըմ ա. — Մին պատառ վախտ ար, վեր մին ղաշանգլ ախճիգ: Ժեռքեն անց կացավ:

Տվըրածեն տղան ասըմ ա. — Մին չինիքլ, էրկու ինիքլ, եք քյինանք:

Շատ ըն քյընամ, թա խրեգլ, պտահում ըն մին էրկան մարթու կյետավը շքըռած, մին վեննը կյետեն էս ընգյունին, մինն էլ էն մին ինգյունին, կռանըմ ա, ճուր խմըմ, համ էլ թա. — Վա՛յ, ծարավ եմ ...

Հըցընըմ ըն, թա ըստի-ըստի մարթ չի տեսա՛լ:

Ասըմ ա. — Մին պատառ վախտ առաչ քյինանց մին ախճիգ ժեռքեն:

Տվըրածեն տղան ասըմ ա. — էրկու չինինքլ, իրեք ինիքլ, քյինանք:

Իրեք հոքավ քյինամ ըն, հըսնըմ համան էն քաղաքը՝ վերդեղ վեր օշափըն ա: Եշըմ ըն, տըեսնըմ, էն հըրսանեքլ ա անըմ, հալա օխտը օր, օխտը քշեր բիդի հրսանեքլ անե:

Քյինամ ըն, թա. — Մըեղ ղոնաղ չը՛ք ընթումիլ:

Ասըմ ըն. — Խե՛ չընք ընթումիլ:

Էն ճումը օտող մարթը հըրսընքեն հացըն ա լոխ սրփում, օտըմ, ճուր խմող մարթն էլ կյինին:

Օշափեն դուլուղ ըն անըմ, ասըմ. — Հացը, կյինին հերիք չի ըննական, պա հո՛ւնց ըք անըմ:

Օշափըն ասըմ ա. — Տուք հրսանեքլը ըրեքլ, յըես քյինամ մին օխտը տոննա հաց պիրիմ հրեվան թաքավերոթուման:

Քյինամ ա թա չէ, տվըրածեն տղան հետան ա ընգյնըմ: Քյինամ ա հղըցումը սպասըմ, էն վախտը, վեր օշափը կյամ ա, ուրան անա անց կենըմ, քմական փոնըմ ա, պըցըրցընըմ, հունց տափեն կյա՛մ, վեր տափը ճըղվըմ ա, ընգնըմ մաչը:

Տասսը օր ժամանակ տված ըն ինում, տասինջի օրը, վեր իրեքլ-նակը մար մննելիս հասնի վեչ, ախպորը ուշուփենն կախ ըն աը-վական:

Յոր ա օնում, ախճիգը տանըմ: Լհա էն վախտըն ա հըսնըմ, վեր քյանդիրը քըցած թաքավերեն տըղեն պոկը, տաքրետկան տա-կեն, օղում ըն կախ տան: Ախպորըն էլ ըզադըմ ա, ուշուփենն էլ յոր օնում, քյինում ուրանց երգյիրը:

Օխտը օր, օխտը քշեր հրսանեք ըն անըմ: Տվըրածեն տղան էլ
ըրժընանըմ ա թաքավերեն տղեն քըվորը, թաքավերեն ըխճըկանը,
թաքավերեն տղան էլ հորըրփերի ըխճըկանը:

Երգյինքան իրեք խընձոր ա եր ընգնըմ. մինը՝ ըսողին, մինը՝
կարթացողին, մինն էլ՝ էս հաքյաթը լուս աշխարք քըցողեն:

